

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Causæ simplicium Presbyterorum ad sedem apostolicam referebantur quando de fide agebatur. Probatur multis exemplis. Ergo causæ quoque Presbyterorum possunt esse majores.

urn:nbn:de:hbz:466:1-15617

Vide lib. 1. c. 10.
§. 6.

Synodus enim Sardicensis nihil statuit de relationibus ad Summum Pontificem mittendis in materia fidei. Itaque synodus illa ab Innocentio laudata non alia est quam Nicæna, cuius ipse mentio facit in initio hujus capituli tertii; ubi ait causas Clericorum, tam superioris ordinis, quam etiam inferioris, terminandas esse secundum Nicænam synodum ab Episcopis provinciæ, adeo ut non licet ad alias convolare provincias.

VII. Canonibus tamen Nicænis modum quandam præscribit Innocentius his verbis: *Sine prejudicio tamen Ecclesie Romane, cui in omnibus causis debet reverentia custodiri.* Clausula illa petita est ex canonе sexto ejusdem Concilij Nicæni, quo verus consuetudo confirmatur pro conservatione iurium Patriarcharum & ceterorum Metropolitanorum, præcipue verò pro juribus Episcopi Romani conservandis, qui illic exp̄res nominatur. Quare cùm Innocentius prouuntiat synodum Nicænam causas Clericorum superioris ordinis commisisse judicio synodorum uniuscujusque provinciæ, rectè addidit salvam tamen esse in omnibus debere reverentiam sedi Romanæ debitam, id est, servandam esse auctoritatem primatus Romani ab eadem Nicæna synodo confirmati. Quoniam verò exceptio illa vaga est & generalis, & ad causas Episcoporum & reliquorum Clericorum porrigitur, (hic est enim genuinus sensus horum verborum *in omnibus causis*) eam Innocentius aperte explicat in iis quæ sequuntur, quæ duo quædam probant, nimirum reverentiam illam versari in jure relationis, & relationem tamen fieri tantum debere in causis majoribus, id est, in controversiis fidei & in dubiis disciplina causis. Et quia duo illa capita respicere possunt non solum Episcopos, sed etiam reliquos Clericos, & laicos, rectè scriptum est in initio capituli tertii servandam esse reverentiam Ecclesie Romanæ debitam, id est, mittendam esse relationem ad apostolicam sedem *in omnibus causis*, id est, in causis & contentionibus quæ inter Clericos tam superioris ordinis quam etiam inferioris fuerint exortæ. Existimo autem eam explicationem multò meliorem esse ea quæ vulgo huic loco assingitur, verba nempe illa, *in omnibus causis*, nihil aliud significare quam depositiones Episcoporum, quæ dein explicitur, ut aiunt, sub nomine causarum majorum. Nam interpretatio illa violenta est, ac verbis ipsis contraria; quæ, ut dixi, complectuntur causas Episcoporum & Clericorum, quoties eas contingit esse maiores.

VIII. Ad faciliorem autem intelligen-

tiam hujus materiae, observandum est causas majores sedi apostolicae reservatas ea tempestate restrictas fuisse ad duo capita superius allata, ad dubia videlicet fidei & disciplinae, tum depositiones Episcoporum inter causas majores non fuisse relatas tempore Concilij Nicæni, neque deinceps per multum ævi. Harum observationum probatio in promptu est, & manifesta. Constat enim depositiones Episcoporum peragi olim solitas unica Episcoporum auctoritate, juxta canones Nicænos itēmque Sardicenses, qui prorsus obtinuerunt in Occidente usque ad tempora Nicolai primi, adeo ut si appellatio non interponeretur, depositiones illæ mandarentur executioni absque auctoritate Summi Pontificis. Præterea Pelagius secundus ad Ioannem Patriarcham CP. scribens circa annum D L X X V I I I . locum hunc ex epistola Innocentij laudans & interpretans, ait unanimaque provinciam habere debere suos judices, Episcopos nimirum, ut in sua quilibet synodo causas terminet, tam Episcoporum quam aliorum Clericorum, si appellatio non interponeretur. Tum addit māiores & difficiles quæstiones referri semper debere ad apostolicam sedem, sicut synodus statuit, & consuetudo exigit. Majores verò, inquit, & difficiles quæstiones, ut sancta synodus statuit, & beata consuetudo exigit, ad sedem apostolicam semper referantur. Quibus verbis explicat verba Innocentij: *Majores causæ, id est, difficiles quæstiones.* In eundem sensum Leo primus, ad Anastasium Episcopum Thessalonensem scribens, tum demum causas Episcoporum referendas esse docet ad apostolicam sedem si quid incederit admodum difficile, ita ut nec à synodo provinciali definiri potuerit, nec à synodo Illyriciana: *Si foris inter ipsos qui presunt de majoribus (quod absit) peccatis causa nascatur que provinciali nequeat examine definiri, fraternitatem tuam de totius negotiis qualitate Metropolitanus curabit instruere; & si coram positis parib[us] nec tuo fuerit res sopia judicio, ad nostram cognitionem quidquid illud est transferatur.* Sanè Vigilius Pontifex Romanus ad Eutherij consulta respondens, ac causas commemorans sedi apostolica reservatas, judicia appellationum Episcoporum & maiores causas velut quasdam res prorsus diuersas recenset. *Omnium appellantium apostolicam sedem Episcoporum judicia,* inquit, & cunctarum majorum negotiis causarum eidem sanctæ sedi reservata esse liquet.

I X. Præterea, causæ simplicium Presbyterorum, quando de fide agebatur, ad ledem apostolicam referebantur, ut pater ex causa

& Imperij Lib. VII. Cap. XIV. 337

causa Pelagij & Celestij. Idem constat etiam ex causa Eustathij Diaconi, quem de hæresi suspectum esse censuerant Episcopi Macedoniae: quem tamen gradu suo dejicere noluit Innocentius, tametsi ab Episcopis illis fuisse damnatus. Tum etiam proferri potest exemplum Eutychetis Archimandrita Constantinopolitanus. Vnde colligitur causas quoque Presbyterorum posse esse majores, & quæ ac causas Episcoporum.

X. Ea est sententia Hincmari ut existimet Innocentium, tametsi Nicæni Concilij mentionem faciat in initio hujus capituli tertij epistola ad Viètricum, alludere nihilominus ad Concilium Sardicense, cum ait, *ad sedem apostolicam, sicut synodus statuit, referatur, ac relationem illam tum demum fieri debere si Episcopi appellaverint.* Hæc sunt verba Hincmari. Beatus quoque Innocentius, inquit, *ad Viètricum Rorhomagensem Episcopum duo capitula magni Concilij Nicani & capitulum Sardicensis Concilij de Episcoporum ad sedem apostolicam appellatione uno capitulo sagaciter atque patenter explicat.* Hæc est sententia Hincmari, ut dixi. Sed multa sunt quæ me ab eo discedere cogunt. Primum enim propositio Innocentij puris & manifestis verbis concepta est, nulla conditione adjecta. Decernit autem ut ad sedem apostolicam referatur in omnibus causis majoribus, absque ullo discrimine. Et tamen Hincmarus eas relationes coercent ad solas Episcoporum depositiones, si forte provocaverint. Deinde, causæ majores propriæ sunt illæ quas commemoravi, non autem judicia Episcoporum; nisi si in judiciis illis incideret difficilis quæpiam quæstionandum à canonibus definita, ut adnotavit Hincmarus ipse in epistola ad Nicolaum primum, quæ extat apud Flodoardum, cuiusque infra mentionem faciam in capite xxii. hujus libri. Tertiò, verisimile non est ut Innocentius alterius Concilij meminisse voluerit in fine capituli quam cujus mentionem fecit in initio, quin discriminem adnotare etiam voluerit, si nullum fuisset. Demum adnotandum heic est (& hæc observatio multum confert ad decisionem propositi principalis) Siricum & Innocentium nullos canones in auctoritatem receperisse quam Nicænos. Neuter enim aliorum canonum observationem imperat quam Nicænorum, id quod eorum ex epistolis liquet. Quin & Innocentius in epistola ad clerum Constantinopolitanum, quæ extat apud Sozomenum, differtis verbis scribit nullos esse canones, præter Nicænos, ad quorum observationem Ecclesia teneatur. Canonibus porro obsequendum esse scribimus, inquit, qui iusta sententia declaravit.

Tom. II

Nicæne sunt decreti: quos solus consecrari decet Ecclesiam catholicam, & juxta eos judicare. Idipsum scribit Innocentius in epistola ad Theophilum Episcopum Alexandrinum, quæ extat apud Palladium in vita Chrysostomi; ubi ait Romanam Ecclesiam nullos canones admittere præter Nicænos: *Alios quippe canones Romana non admittit Ecclesia.*

C A P V T X I V.

Synopsis.

I. *Relations etiam à Concilio generalibus & nationalibus fiebant ad apostolicam sedem; tanquam ad caput omnium Ecclesiarum, ut ejus auctoritate consequeretur executio constitutorum. neque tamen eorum confirmatio petebatur. Probatur ex epistola synodica Concilij Sardicensis.*

II. *Concilium Arelatense statutorum suorum publicationem delegat Papa Silvestro. Secunda synodus Ocumenica relationem ad Damasum Papam misit de rebus in synodo gestis, procul à petitione confirmationis.*

III. *Concilia provincialia Occidentis referabant ad sedem apostolicam de depositionibus Episcoporum: ne videlicet Episcopus Romanus & reliqui occidentales deciperentur ab Episcopis dejectis.*

IV. *Innocentius primus auro vulnus infixit auctoritati synodi provincialis Macedoniae in causa Bubaly & Tauriani. Conquerentibus autem Episcopis Macedoniae, non attulit Sardicenses canones, aut Nicænos, sed aquitatem.*

I. **P**OST explicata duo relationum genera que sedi Romanæ tribuebant jus cognoscendi de causis provinciarum post judicia synodorum, superest ut tertium relationis genus usurpatum fuisse ostendamus, quæ ad sedem apostolicam tanquam ad caput omnium Ecclesiarum fiebat à Concilio generali aut nationali, ut rerum constitutarum executio consequeretur auctoritate Pontificis Romani. Genus illud relationis illustriori exemplo probari non potest quam ex epistola synodica Concilij Sardicensis, in qua patres fatentur se relationem illam ad Papam Iulium mittente tanquam ad caput; sed ita tamen ut ab eo non pertant confirmationem rerum à se constitutarum, sed tantum ut certiores de his faciat Episcopos Italiae, Siciliae, & Sardiniae. *Hoc enim optimum, inquit, & valde congruentissimum est se videbitur, si ad caput, id est, ad Petri Apostoli sedem, de singulis quibusque provinciis Domini referant sacerdotes.* Infra: *Tua autem excellens prudentia disponere debet ut per tu scripta qui in Sicilia, qui in Sardinia, & in Italia sunt fratres nostri, que acta sunt & que definita cognoscant, & ne ignorantes eorum accipient litteras communicatorias quos extra episcopatum*

Epist. Synod.
Conc. Sardic. ap.
Hilar. in Fragi.

Vii